

卹園全書

鴛鴦夢

午夢堂全集之四

吳江 葉氏小紈蕙綢 譔

〔正〕三仙子吟賞鳳凰臺

〔名〕呂真人點破鴛鴦夢

〔西王母引隊開上云〕閨苑仙家白錦袍海中銀闕宴蟠桃三更月下鸞聲遠萬里峯頭玉樹遙子童乃西王母是也前者因蟠桃會返羣仙邀遊林屋洞天其時有子童侍女文琴上元夫人侍女飛玖碧霞元君侍女萑香三人偶語相得松柏綰絲結爲兄弟指笠澤爲盟雖非同世俗因緣未免凡心少動湖神報來子童遂謫罰三人降生松陵地方汾水湖濱以信指水之誓使他見人

寰中離合聚散悲歡愁恨有同夢幻泡影那時子童先
將文琴飛玖攝歸瑤京然後使呂純陽指點蒞香使恍
知前果不昧本因使三仙子齊歸正道不負子童一片
化導之心也純陽須在意勿憚勞者呂應云貧道既領
仙旨索往下方走一遭者齊下

楔子

末上小生姓蕙名百芳字蒞香祖貫松陵人氏幼習儒
業博覽羣書奈年已弱冠功名未遂雅慕神仙志希出
世人間一種齷齪富貴何有於我哉家住太湖澤畔門
臨漪碧白鷗往來儘可讀書適志只是人生須得同心
好友上下千古杯酒論文庶可以消胸中傀儡這幾日

索居寡伴情緒無聊把杯看劍俱少意味正是不如事
常八九可語人無一二三須索向南牕盹睡一回與義
皇上人遊也做睡介夢中起行介呀前面高臺寵從境
界異常小生須索登臨咱上介你看臺下一池池中蓮
花盛開紅粧映日翠蓋擎風你看那蓮中有一朵竝蒂
者十分豔冶光輝更是可愛也

仙呂賞花時這蓮呵須不是太一飄來海外風也不是玉
女愁窺華井容你看他相倚笑綠波中奇怪也你看蓮花
池畔有鴛鴦一雙遊戲于蓮葢之間多少和鳴相得內
作風起介呀一陣狂風將竝頭蓮吹折下來驚得那兩
兩鴛鴦衝天飛去止有斷紅零葉浮飄碧沼之中好是

淒涼人也似霓裳仙從撲刺刺驚散下廣寒宮

〔做醒介〕此夢好是奇異也日色卓午四顧寂寥小生須索信步行吟遊咏一番也**〔行介〕**呀前面果有高臺一座登臨景色恍與夢中相似你看臺上標題着鳳凰臺三字古人豪吟雄句端的是名勝之所只是孤遊無興如何得一二良友臨風快譚也**〔望介〕**有二人攜手而來容貌衣服僊僊霞舉定是異人**〔迎介〕****〔昭瓊仝上〕****〔昭云〕**有酒日爲樂無官百不憂饒他封萬戶輸我醉鄉侯小生昭綦成是也**〔瓊云〕**天才磊落自髫年斗酒淋漓詩百篇灑灑臨風稱玉樹疎狂玩世慕青蓮小生瓊龍雕是也**〔蕙見介〕**二位兄長小生蕙百芳祇候久矣**〔昭瓊云〕**我二人

以詩酒爲生風月爲侶誓不與俗人作緣今遇子半面
無交傾蓋如故氣宇丰神大是可兒可兒我今快友可
得子爲三矣蕙云承兩兄不棄願結爲兄弟樂道倡酬
笑傲于天壤之間豈不快乎昭云綦成字文琴年二十
三歲瓊云龍雕字飛玖年十七歲蕙云百芳字茵香年
二十歲如此合拜文琴爲兄飛玖爲弟小生忝居其次
矣拜介今日勝地良朋苦無斗酒明日中秋佳節小弟
當具杯酒遊高臺琴兄玖弟幸勿爽約想人生聚散好
是難期也

公篇喜的是兩兄呵鶴背黃雲向天外逢怕的是雁影紅
林可兀那別恨重山水如有待佳辰良在茲覷了這臺四

列玉芙蓉小生蚤間得一夢見奇花異鳥醒而起遊遂遇
兩兄良非偶也莫認做仙源春夢明日兩兄蚤來期再
續這武陵蹤全下

第一齣

末上小生蕙百芳得遇文琴飛玖兄弟洵是千古異人
今日相約遊賞鳳凰臺小生索先往此時如何還未見
到正是風飄黃葉下疑是故人來昭瓊上云昨日相約
茝香同到鳳凰臺玩月須索走一遭也見介末云大哥
三弟真信人也小弟已備下蔬酒與哥哥兄弟高臺之
上把酒一問青天何如昭瓊云甚妙把酒介末云小弟
間口閒話想我輩負此才具不得一顯當世那多少蛙

鳴雀噪的暢好是冷人齒頰也

仙呂點絳脣數載漂蓬暮吟朝誦空磨弄壯志如虹命蹇才無用

瓊云哥哥你看彩雲飛盡明月將升是好秋景也末舉杯云哥哥兄弟對此秋光開懷暢飲咱

混江龍村醪相奉笑談今古月明中只見那彩雲飛盡閣清露滴芳叢聲唧唧驚棲宿鳥絮叨叨催織寒蛩今夜連朋共友對月臨風哥哥兄弟胡亂飲幾杯者都是些山蔬野菜那裏有炮鳳烹龍只有那磁甌色淡那裏討琥珀光紅看扶疎桂影寂寞秋容露迷隄柳霜剪江楓猛然間愁懷頓起酒興偏濃哥哥我想半生遭際真堪歎也抵多少

賈誼遠竄李廣難封可憐英雄撥盡冷爐灰休休男兒死
守酸醢甕枉相思留名麟閣飛步蟾宮

[昭云]今夜天晴月朗把酒臨風是如此歡飲者更有幾
人大家開懷莫生惆悵古語有云萬事不如杯在手人
生幾見月當頭[宋]

油胡蘆此時呵少婦紅樓午夜空伴嫦娥愁萬重天涯遊
子未歸驄怨殺那啼鶯四壁聲相哄便金樽傾倒和誰共
靜悄悄倚欄干聽暮鐘冷冷清清對銀缸形影弄雲時問一
片砧聲動準備着修尺素待征鴻

[天下樂]又有那旅客家鄉信不通孤蓬睡眼膏助淒涼月
色如水溶是書生未遇時伴孤燈一點紅誰如這嘯臺高

聳

昭云今日登臨本擬散愁翻多感慨偶因興至亂道幾句幸兩弟勿哂蕙瓊云願洗耳拱聽昭詩云登臨懷木落望月想清輝自謂終丘壑無緣附帝畿志同虹貫日淚與雨俱霏常恐年歲晚蹉跎何所歸蕙云昭兄真高才也昭云今宵此景豈可無詩兩弟倚馬之才豈無佳作休得吝教蕙詩云臺迥煙雲接蕭疎木葉乾月明山色翠人寂水聲寒爲惜秋代序空驚日跳丸可憐臨此地幾度淚珠彈瓊詩云奇峯插天外欲涉險難過地僻行人少山空古木多浩歌雲沒岫長嘯水翻波慷慨向誰說西風吹鬢皤蕙云我輩飲酒閒談不覺月已西沉

也瓊云明朝一別後晤何時哥哥幾時進取功名俺們
相約同行以爲何如昭云男子漢豈不以功名爲念夫
致身天衢而爭光日月亦大丈夫所爲怎奈豺狼當道
志士難施不如埋蹤泉石之爲高也兩賢弟以爲何如
宋哥哥只功名兩字好是險也你待要致身天衢小弟
舉幾箇古人比喻咱

那叱令你羨那上天的鄧通須掙下打方圓的孔兄昭云
茫茫宇宙豈少知音宋待覓知音的蔡邕先做了爛尾
額的爨桐瓊云古人若終軍棄襦寧無蚤發的也宋待學
棄襦的幼童只如今函谷關將丸泥久封瓊云哥哥目今
秋風桂子正是鵬鶚高騫之日也宋只渭水波秋風動

千夢斷了非熊

〔瓊云〕哥哥若論起世道真箇荆棘銅駝煞多感慨也〔末〕
〔鵲踏枝〕幾遍欲問蒼穹未語價氣填胸滿腹經綸爭奈荆
棘成叢誰敢指北極半天蟬蛸只落得灑西風兩袖龍鍾
〔昭云〕只蓋世裏利名兩字乾老了多少人也〔末〕

〔寄生草〕看了些鬧獲鐸天也則是打冬烘抵多少英雄火
裏消冰凍繁華草上翻春夢枉了蠹魚簡內將人送從今
後休題他腌臢兩字浪功名〔昭云〕大丈夫得志食於鐘
鼎不得志隱於山林〔末〕我呵山林鐘鼎多無用

〔昭云〕光陰易過聖世難逢自古道有道則見無道則隱
到不如潛形林壑之間寄跡水雲之畔釣遊鱗弋飛鳥

遇冬成歲花發知春豈不美哉〔宋〕

〔么〕從今後馴麋鹿靠古松收拾起心猿意馬離塵冗受用的山風颯颯泉聲送茶煙裊裊圖書供晚來紅日滿柴扉閑時自把黃庭誦

〔末〕我想高隱之人有多少好處也〔昭云〕賢弟試說咱〔末〕後庭花喜青山處處逢望丹崖倚瘦筇慣尋他西嶺呼猿洞誰待聽東華朝馬鐘每日價送孤鴻琴心三弄有時節汎扁舟訪釣翁上危樓眺遠峯和新詩寄碧筩嬾擡頭中酒慵看今日秋瞥眼冬兀良吳江上弔落楓又早灞陵橋梅雪濃

〔柳葉兒〕歎人生似醯雞舞甕看光陰似墜露飛蓬向史書

上打算生涯冗瓊云看來人生窮通富貴皆繇時也命也
宋一箇咽李的悲陳仲一箇鑽核的笑王戎瓊云古人
云使我有身後名不如生前一杯酒宋算不如美酒千
鐘

昭瓊云我三人若有名山佳地誓同一處切勿世情相
絆者宋云我們立志頗堅豈有相背之事乎

煞尾交情比管鮑深高讓與夷齊共再不去涉紅塵怖恐
今日高臺上說盡興亡落日擁抵多少弔前朝晉代吳宮
問天公搔首青空我三人呵誰讓當年白也風看衝星劍
雄叫雲笛弄聽一聲長嘯五湖東空下

第二齣

魚書夢
[憲上]抱瑟齊門歎數奇高山流水幾人知千金若有良
工在不鑄鍾期卻鑄誰小生蕙茝香今日是八月中秋
當此天雨好淒涼人也記得去年與文琴飛玖二人相
聚不覺又是一年也

[正宮端正好]憶當年三更後涼風細金粟香浮滿簾花影
明如畫碧月青天瘦

[滾繡毬]那時節談未休賦秋風相和酬步瑤階露沾羅袖
望河漢夜色悠悠思前雨淚流今宵幾處愁何處是鳳凰
臺也亂紛紛遙峯遠岫日月好是疾波急攘攘夜壑藏舟
何緣別信風絮可歎相逢水上漚隻影停眸

書當快意讀易盡客有可人期不來咳聽鶼鶀上浙浙

颯颯的響正是夜雨空階秋燈瘦影是咱讀書人消受也

叨叨令今夜蕭蕭暮雨牕間逗直恁的淒淒戚戚添僝僽
一弄兒人聲寂寂秋聲驟猛憶的山林有約成虛負又一
年過了也麼哥又一年過了也麼哥可憐殺紅塵滾滾還
如舊

此時怎得昭瓊二人到來攀今弔古還可消解幾分何
當共剪西牕燭卻話巴山夜雨時

脫布衫雨絲絲難繫離愁倩西風吹盡離愁欲待訴知音
何處有訴青天怕天消瘦

我想去年通宵之談多成話柄

小梁州大都來浪話閑言一筆勾難想難求多做了疎林木落響颼颼休回首潘鬢不禁秋

么聽蕭蕭敗葉將颼叩銀燈黯冷淡香篝雨不休風還又恰天香時候可正是風雨替花愁

上小樓這雨呵零落梧桐淒迷楊柳兩般兒魂顛夢倒攪碎人心搖拽簾幃轉無聊成拖逗忘憂惟酒耐酒醒愁懷依舊

雨看看下得大了

么怎不教相如病宋玉愁這雨呵淋漓敗葉灑潤枯條湧滿芳洲不免推牕試觀雨色欲待倩鱗遊問故人安否怎奈驟瀾漫做一江洪溜